

## UGOVOR O PRUŽANJU USLUGA TEHNIČKE ZAŠTITE

**Ugovor broj: 356/2021**

Zaključen u Sarajevu dana 17.02.2021. godine

Ovaj Ugovor o pružanju usluga tehničke zaštite (u daljem tekstu "Ugovor") je zaključen između:

### **NARUČILAC USLUGA:**

**JU OŠ 6 mart Hadžići**

**Ul: 6. mart broj 1, Hadžići**

**ID: 4200212170007**

**PDV: 200212170007**

koju zastupa Muhamed Čović, direktor

i

### **SECURITAS:**

**Agencija Securitas d.o.o.**

**Ul: Bačići 3, 71000 Sarjevo**

**ID: 4227417480004**

**PDV: 227417480004**

koju zastupa direktor Valdin Jažić

### **DEFINISANJE POJMOVA**

"**Sankcije**" znače ekonomske ili finansijske sankcije ili trgovinski embargo ili druge ekvivalentne restriktivne mjere nametnute, sprovedene ili izvršene s vremena na vrijeme od strane Evropske unije, vlada drugih država članica Evropske unije, Savjeta bezbjednosti Ujedinjenih nacija, Vlade Sjedinjenih Američkih Država ili agencija Sjedinjenih Američkih Država (uključujući OFAC, američki Stejt department, Ministarstvo trgovine SAD-a i Ministarstvo finansija SAD) ili odgovarajući regulator bilo koje druge zemlje koja je relevantna za ovaj Ugovor.

"**Lista sankcija**" znači bilo koja lista specifično imenovanih državljana ili određenih lica ili entiteta (ili ekvivalenta) u vezi sa sankcijama, koje se mijenjaju, dopunjavaju ili zamjenjuju s vremena na vrijeme.

"**Procedura rada**" znači specifikaciju usluga koje Securitas pruža Naručiocu usluga na osnovu ovog Ugovora, priložena kao Prilog A.

"**Securitas**" znači kompanija Securitas navedena na početku Ugovora.

"**Securitas Group**" znači Securitas AB i sve subjekte koji su pod direktnim ili indirektnim vlasništvom ili kontrolom Securitasa AB.

### **PREDMET UGOVORA**

#### **Član 1.**

##### **1.1. Tehnička zaštita objekta Naručioca usluga obuhvata:**

- Pripremljenost Securitasovog operativnog centra (u daljem tekstu: „SOC“) za prijem i detekciju alarmnog signala putem telefonske analogne linije (PSTN ili GPRS ili IP /izabrati jedno od/) od strane alarmnog sistema Naručioca usluga;
- Spremnost mobilne interventne ekipe da reaguje po uputama dežurnog operatera u SOCu u momentu prijema i detekcije alarmnog signala putem (PSTN ili GPRS ili IP /izabrati jedno od/).

- 1.1.1. Tehnička zaštita objekta izvodi se u vremenu kada je alarmni sistem uključen od strane Naručioca usluga ili drugih korisnika kojima Naručilac usluga daje ovlaštenja i pristupne šifre.
- 1.1.2. Pod sistemom tehničke zaštite podrazumijeva se oprema za tehničku zaštitu instalirana na objektu Naručioca usluga od strane certificiranih tehničara (u skladu sa Zakonom).
- 1.1.3. Alarmni sistem ne podrazumijeva telefonsku liniju Naručioca usluga (za čije održavanje, funkcionalnost i ispravnost odgovara Naručilac usluga).
- 1.1.4. Po dojavu dežurnog operatera iz SOCa Securitas o aktiviranju protivprovalnog alarma, interventni tim Securitas će otići na lice mjesta u što kraćem roku, a najkasnije u roku do 15 minuta prema članu 32. Uredbe o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslove intervencije u slučaju aktiviranja alarmnog sistema („Sl. Novine FBiH“, broj: 72/15) (u daljem tekstu: Uredba).

#### **OBAVEZE NARUČIOCA USLUGA**

- 1.1.5. Naručilac usluga je odgovoran da na zahtjev Securitas popravi bilo šta u okruženju gdje je instaliran sistem zaštite, što uzrokuje lažne alarme. Ponavljanjem lažnih alarma iz kamere ili protivprovalnog sistema, Securitas ima pravo da izvrši potrebne izmjene u konfiguraciji hardvera ili softvera za filtriranje lažnih alarma.
- 1.1.6. Ukoliko se na alarmnom sistemu uoči tehnička greška, oštećenje sistema zaštite ili je na šticeenom objektu prouzrokovano oštećenje koje se ne može odmah otkloniti, uz saglasnost predstavnika Naručioca usluga objekat će se zaštititi fizičkom zaštitom, do otklanjanja nedostataka.
- 1.1.7. Naručilac usluga je saglasan da Securitas može postupiti u skladu sa članom 47. Uredbe.

U slučaju da Naručilac usluga ne ispuni bilo neku od svojih obaveza preuzetih ovim Ugovorom, Securitas ima pravo na naknadu za bilo koje dodatne troškove kao rezultat toga.

#### **1.2. Redovan servis alarmnog sistema**

- 1.2.1. Na osnovu člana 46. tačka 1. Uredbe, Securitas će vršiti redovno servisiranje opreme dva puta (svakih 6 mjeseci) u toku godine.
- 1.2.2. Redovan servis podrazumijeva: kontrolu funkcionalnosti alarmnog sistema, čišćenje senzora, kontrola napona baterije i testiranje sistema.
- 1.2.3. Svi dodatni radovi i zamjena opreme nisu uključeni u redovni servis i naplaćuju se dodatno.

#### **USLOVI VAŽENJA UGOVORA**

##### **Član 2.**

2.1 Datum početka pružanja usluga i početka važenja ugovora je 01.01.2021. godine.

2.2. Ovaj Ugovor će početi od datuma početka pružanja usluga i trajati do 31.12.2021.godine.

2.3. Ovaj Ugovor, zajedno sa Prilozima predstavlja cjelokupni dogovor između Ugovornih strana i ima veću važnost od svih prethodnih sporazuma i korespondencije, usmene ili pisane, između Securitas i Naručioca usluga. Sve predstavke, obećanja ili dogovori koji nisu sadržani u ovome Ugovoru, nisu obavezujući.

2.4. Sastavni dijelovi ovog ugovora su:

**Prilog A:** Objekti na kojima se pruža usluga, kontakt osobe i cijene za pružene usluge

**Prilog B:** Inventurna lista

#### **PLAĆANJE**

##### **Član 3.**

3.1 Plaćanje: Naručilac usluga će vršiti plaćanje Securitasu za usluge pružene u skladu sa ovim Ugovorom.

3.2. Cijene definisane u Prilogu A ovog Ugovora ne sadrže porez na dodatnu vrednost (u daljem tekstu: PDV). Naručilac usluga će snositi trošak PDV-a, a Securitas će na računu navesti iznos PDV-a.

3.3. **Plaćanje naknade:** Naručilac usluga će platiti Securitasu naknadu za izvršene usluge u roku od 15 (petnaest) dana od datuma izdavanja fakture.

3.3.1. U slučaju da Naručilac usluga ne ispuní obavezu plaćanja, kako je definisano prethodnim stavom, zaračunavaju mu se zakonske zatezne kamate

3.3.2. Securitas ima pravo naplatiti punu ugovorenu naknadu za uslugu od završene instalacije sigurnosnog sistema od strane Securitasa. Ako se sa instalacijom sigurnosnog sistema kasni zbog okolnosti za koje je Naručilac usluga odgovoran, Securitas ima pravo početi sa fakturisanjem od datuma kada je instalacija trebala biti završena.

3.3.3. Naručilac usluga mora pismeno obavijestiti Securitas o svakom sporu u vezi s iznosom računa u roku od trideset (30) dana od datuma fakture, u suprotnom će se svi sporovi oko iznosa računa smatrati odbijenim.

3.3.4. Naručilac usluga snosi sve troškove povezane sa isplatom Securitasu za usluge pružene prema ovom Ugovoru. Ako Securitas mora pokrenuti sudski postupak ili usluge naplate radi naplate iznosa koji se duguje Securitas-u po ovom Ugovoru, Naručilac usluga je saglasan da plati Securitasove pravne troškove i druge troškove povezane s pokretanjem sudskih postupaka ili usluga naplate.

3.5. **Obustava:** U slučaju kašnjenja u plaćanju, Securitas može u roku od deset (10) dana od pismenog obavještenja upućenog Naručiocu usluga, obustaviti izvršenje usluga koje se pružaju na osnovu ovog Ugovora. Obustava pružanja usluge neće osloboditi Naručioca usluga od bilo koje njegove obaveze iz Ugovora.

3.6. **Usklađivanje cijene usluga.** Securitas će imati pravo da inicira povećanje naknade za usluge u toku trajanja ovog Ugovora, u slučaju da se troškovi Securitasa za pružanje usluga povećaju zbog (i) povećanja troškova rada ili troškova vezanih za bilo koju opremu i alate angažovane na realizaciji ugovora, (ii) promjene u premijama osiguranja i/ili (iii) promjene u zakonima ili propisima koji se odnose na usluge.

Svaka izmjena biće međusobno usaglašena izmjenom Priloga A ovog Ugovora.

3.7. **Zahtjevi za izmjenama usluga.** U skladu sa uslovima ovog Ugovora, svaka strana može zatražiti razumna prilagođavanja i/ili dopune usluga tako što će o tome pismeno obavijestiti drugu stranu. Ako takva podešavanja i/ili dopune usluga, prema mišljenju Securitasa, zahtijevaju prilagođavanje naknade za usluge ili uslova i odredbi ovog Ugovora, Securitas će obavijestiti Naručioca usluga o takvim potrebnim prilagodabama naknade za usluge ili uslovima i odredbama ovog Ugovora. Strane će pregovarati u dobroj vjeri o svim traženim prilagodabama i/ili dopunama usluga, naknadi za usluge ili uslovima i odredbama ovog Ugovora. Da bi bilo kakve izmjene usluga, naknade za usluge i/ili uslova ovog Ugovora bile obavezujuće za sve strane, sva prilagođavanja i/ili dodaci moraju biti dogovoreni u pisanoj formi sa ovlaštenim predstavnikom relevantne strane. Ukoliko se ne postigne takav dogovor, usluge, naknade za usluge i odredbe i uslovi ovog Ugovora ostaju nepromijenjeni. Radi izbjegavanja sumnje, Securitasovi zaposlenici koji pružaju usluge nemaju pravo da pristanu na prilagođavanja i/ili dopune uslugama.

Securitas može zahtijevati izmijenu i/ili dopunu Ugovora kako bi udovoljio javnim uputstvima, nalogima, pravilima i zakonima koji se primjenjuju na usluge koje se pružaju u nastavku. U slučaju protivljenja traženim izmjenama i/ili dopunama Ugovora od strane Naručioca usluga, Securitas će imati pravo da raskine Ugovor iz opravdanih razloga u skladu sa članom 11.2. Ugovora.

Dok se pregovara o predloženim izmjenama ugovora, usluge se pružaju i plaćaju po uslovima iz nepromijenjenog Ugovora.

## **POVJERLJIVOST I ZAŠTITA LIČNIH PODATAKA I INTELKTUALNO VLASNIŠTVO**

### **Član 4.**

4.1. **Povjerljivost informacija.** Svaka strana će čuvati tajnost i neće otkrivati nikakve povjerljive informacije druge strane koje su joj dostavljene u vezi s ovim Ugovorom, osim ako se to zahtijeva u svrhu pružanja usluga i obavljanja bilo koje druge dužnosti prema ovom Ugovoru. Informacije će se smatrati povjerljivim ako ih je stranka koja je otkrila podatke odredila kao povjerljivu u trenutku otkrivanja ili ako, uzimajući u obzir sve okolnosti u vezi s otkrivanjem, druga strana razumno shvati kao povjerljive. Radi izbjegavanja sumnje, Securitasovi planovi usluga ("Procedura rada" i/ili slična dokumentacija) uvijek će se smatrati povjerljivim informacijama u smislu ovog člana i zaštićeni su pravima intelektualne svojine. Nijedna strana neće imati nikakvu obavezu povjerljivosti prema ovom Ugovoru u pogledu informacija koje: (i) su ili naknadno postaju javno dostupne bez kršenja bilo koje obaveze iz ovog Ugovora; (ii) je bila u posjedu druge strane prije vremena prvog otkrivanja; (iii) je razvijena od strane druge strane bez ikakve upotrebe ili upućivanja na bilo koju povjerljivu informaciju dobijenu od strane koja otkriva informaciju; (iv) se dobija bez ograničenja od treće strane za koju druga strana smatra da je slobodna da pruži takve informacije bez kršenja bilo koje obaveze koja se duguje strani koja otkriva; (v) objelodanjuje se uz prethodno pismeno odobrenje druge strane; ili (vi) je objelodanjena na osnovu naloga ili zahtjeva suda, administrativne agencije ili drugog organa uprave.

4.2. **Zaštita ličnih podataka.** Strane priznaju da pristup i distribucija ličnih podataka druge strane ili njenih zaposlenih, agenata ili povezanih lica mogu biti neophodni za pravilno izvršavanje usluga kako je navedeno u ovom Ugovoru. Obje strane su saglasne da će koristiti lične podatke dobivene u toku izvršenja ovog Ugovora s pažnjom, u skladu sa svim primjenjivim pravilima i propisima i da će koristiti te informacije samo u svrhu obavljanja svojih dužnosti kako je navedeno u ovom Ugovoru. Naručilac usluga je saglasan da će, u obavljanju svojih obaveza prema Naručiocu usluga

po ovom Ugovoru, Securitas djelovati kao obrađivač podataka u pogledu obrade ličnih podataka i saglasan je da Securitas može angažirati podgovarača za obradu ličnih podataka. U skladu s tim, Securitas slijedi Zakon o zaštiti ličnih podataka i poduzimat će potrebne tehničke i organizacijske mjere kako bi se ti podaci čuvali i obradili u skladu sa Zakonom i zahtjevima Naručioca usluga.

4.3. Pravo na intelektualno vlasništvo (IPR). Naručilac usluga priznaje i slaže se da Securitas IPR neće biti preneseno ili stečeno na osnovu ovog Ugovora.

4.3.1. Back-office sistemi. Securitas grupa i/ili njeni davaoci licenci su ekskluzivni vlasnici svih back-office proizvodnih sistema koji se koriste za snabdijevanje uslugama, uključujući praćenje, čuvanje i sisteme izvještavanja, uključujući i svu tehničku infrastrukturu, sisteme, softvere, alate, hardvere, opremu, dokumentaciju, informacije, podatke i druge materijale koji su sadržani i generisani u njima. Naručiocu usluga se ne odobravaju nikakva prava pristupa ili korištenja takvih proizvodnih sistema osim u svrhu realizacije ovog ugovora. Ako je Naručilac usluga odobren pristup back-office sistemima, takav pristup će biti podložan prihvatanju od strane Naručioca usluga i poštovanju važećih Ugovora o licenci krajnjeg korisnika.

4.3.2. Isključivo vlasništvo opreme. Osim ako nije drugačije dogovoreno sa Naručilcem usluga, Securitas Grupa i/ili njeni davaoci licenci su ekskluzivni vlasnici svih hardvera i druge opreme, alata i srodnih softvera i dokumentacije, koji se instaliraju na mjestima Naručioca usluga u svrhu pružanja usluga tokom trajanja ovog Ugovora. Naručilac usluga nema pravo da koristi ili ostvaruje korist ili druga prava na instaliranoj opremi nakon prestanka/isteka Ugovora.

4.3.3. Aplikacije alata za izvještavanje. Za određene usluge, Securitas Grupa može pružiti određene aplikacije alata za izvještavanje za upotrebu npr. mobilnih uređaja. Ovim se Naručiocu usluga daje isključiva licenca za korištenje takvih aplikacija alata za izvještavanje, ograničena na korištenje u svrhu primanja usluga u toku trajanja Ugovora.

4.3.4. Podaci. Ne dovodeći u pitanje klauzulu o zaštiti podataka, sva autorska prava, prava na baze podataka i sva druga prava na bilo koje podatke ili druge informacije prikupljene od strane ili za Securitas Grupu ili Naručioca usluga u toku pružanja usluga, će se u potpunosti dodijeliti Securitas Grupi i Naručilac usluga će potpisati prava na dokumenta koje Securitas Grupa može razumno zahtijevati u svrhu dodjele takvih prava Securitas Grupi.

4.3.5. Zaštitni znak. Securitas Grupa je ekskluzivni vlasnik svih zaštitnih znakova, naziva proizvoda i drugih robnih marki korištenih za ili u vezi sa uslugama. Klijentu se ne daju nikakva prava na upotrebu takvih zaštitnih znakova, naziva proizvoda i drugih robnih marki.

4.4. Sva oprema, softver, materijali i/ili dokumentacija koju dostavlja Securitas, uvijek ostaje imovina Securitasa, osim ukoliko se ugovorne strane drugačije ne dogovore u pisanom obliku.

## **ODGOVORNOST ZA ŠTETU**

### **Član 5.**

5.1. Securitas odgovara za štetu koju njegovi zaposlenici počine u vezi s obavljanjem poslova fizičke zaštite iz ovog Ugovora Naručiocu usluga ili trećim licima, ako je do štete došlo isključivo i direktno kao posljedica postupanja zaposlenika Securitasa koje je u suprotnosti s odredbama ovog Ugovora, odredbama Zakona o agencijama i unutrašnjim službama za zaštitu lica i imovine, te ostalih propisa kojima je uređena djelatnost privatne zaštite, i to do 7.000,00 BAM, po štetnom događaju, odnosno agregatno na godišnjem nivou.

5.2. Securitas je dužan da bez odlaganja i u pismenoj formi obavjesti Naručioca usluga o svakom slučaju nastale štete.

5.3. U spornim slučajevima, Naručilac usluga i Securitas formiraće komisiju od tri člana koja će utvrditi stepen odgovornosti uposlenika Securitasa.

Članove komisije imenuju:

- Naručilac usluga – jedan član,
- Securitas – jedan član i
- Osiguravajuća kuća Securitasa – jedan član.

5.4. Securitas ne odgovara za štetu Naručiocu usluga ili trećim licima nastalu uslijed više sile, slučaja radnje samog Naručioca usluga, odnosno lica koje su s njim u radnom odnosu, ugovornom odnosu ili kakvom drugom odnosu ili trećih lica te drugih okolnosti na koje Securitas nije mogao uticati (npr. rata, ratnog stanja, pobuna, nemira, terorizma i sl. pri čemu se gornjim nabrojanjem ne iscrpljuju sve moguće okolnosti na koje Securitas nije mogao uticati).

5.5. Isključenje indirektnih i posljedičnih šteta. Securitas ni u kojem slučaju nije odgovoran za indirektnu i posljedičnu štetu, uključujući, ali ne ograničavajući se na gubitak zarade, čisti finansijski gubitak, gubitak dohotka, posla ili prihoda.

5.6. Tužbe treće strane. Naručilac usluga će obeštetiti i zaštititi Securitas od i protiv bilo kakvih gubitaka, koje Securitas može pretrpjeti od bilo koje treće strane, kao rezultat ili u vezi sa izvršenjem usluga prema ovom Ugovoru, osim ako takvi gubici proizlaze iz nemara ili propusta od strane Securitasa, njegovih zaposlenika, agenata ili podugovarača.

## **OSNOV ZA OLAKŠICE**

### **Član 6.**

6.1. Viša sila. Sljedeće okolnosti će se smatrati osnovom za oslobađanje ako odgađaju ili ometaju izvršenje ovog Ugovora: bilo koja okolnost izvan razumne kontrole stranke kao što je požar, rat, mobilizacija ili vojni poziv, rekvizicije, zaplijene, valutna ograničenja, ustanak i građanski nemiri, terorizam, epidemija, pandemija, nedostatak prevoza, opšta nestašica materijala ili osoblja, štrajkovi ili drugi industrijski sporovi, i nedostaci ili kašnjenja u isporukama podugovarača uzrokovana nekom od okolnosti iz ovog člana.

6.2. Obavijest. Strana koja ima namjeru tražiti olakšicu prema Članu 6.1. obavještava drugu stranu bez odlaganja o nastanku i prekidi postojanja takve okolnosti.

6.3. Olakšavajuće okolnosti za Naručioća usluga. Naručilac usluga će nadoknaditi Securitas po prestanku više sile za troškove nastale u obezbeđivanju i zaštiti šticećenog objekta kojeg je Securitas štitiio za vrijeme trajanja više sile uz saglasnost Naručioća usluge, ako je Naručioć usluga bio spriječen da naknadi Securitas u periodu trajanja više sile.. Naručilac usluga će takođe nadoknaditi Securitas za troškove koji su nastali za osoblje, podizvođače, opremu i alate koji se, uz saglasnost Naručioća usluga, drže spremni da nastave pružati uslugu.

6.4. Ne dovodeći u pitanje niti jednu odredbu ovog Ugovora, svaka ugovorna strana ima pravo prekinuti ovaj Ugovor i usluge, kakav prekid stupa na snagu odmah, uz pisanu obavijest drugoj strani ukoliko se s izvršenjem Ugovora i usluga kasni više od 30 (trideset) dana usljed bilo koje od osnova za olakšicu navedene u članu 6.1. ovog Ugovora.

## **GARANCIJE**

### **Član 7.**

7.1. Securitas garantuje da će se usluge obavljati sa razumnim vještinama i pažnjom. Securitas ne pruža nikakvu drugu garanciju za usluge.

7.2. U slučaju kršenja gore navedene garancije, Securitas će na svoj trošak ponovo izvršiti takav dio usluga koji nije u skladu sa garancijom. Ako ponovna izvedba nije moguća, Securitas će ponuditi Naručioću usluga smanjenje naknada koje je Naručioć usluga platio za takav dio usluga koji nije u skladu sa garancijom. Gore navedeni pravni lijekovi bit će jedini i isključivi pravni lijek za kršenje garancije.

7.3. Securitas ne garantuje funkciju ili rezultat usluga niti prihvaća punu odgovornost za sigurnost na šticećenom mjestu (-ima). Osim ako nije drugačije dogovoreno u Proceduri rada, Securitas nije angažovan kao konsultant za zaštitu. Securitas ne predstavlja, izražava ili implicira da će njegove usluge spriječiti bilo kakav gubitak ili oštećenje.

## **MEĐUSOBNE OBAVEZE**

### **Član 8.**

8.1. Saradnja. Naručilac usluga će u svakom trenutku saradivati sa Securitasom kako bi omogućio Securitasu da pruži usluge pod najboljim mogućim uslovima. Ovo će uključivati, ali neće biti ograničeno na, da Naručilac usluga obezbjedi (i) sve relevantne informacije, materijale, pristup i pomoć koju Securitas razumno zahtijeva da bi mogao obavljati usluge bez prekida, uključujući, ali ne ograničavajući se na, pristup mjestu (-ima) i (ii) brzo obavještavanje o bilo čemu što može uticati na sigurnost, rizik ili obaveze kompanije Securitas po ovom Ugovoru ili koji će vjerovatno dovesti do povećanja troškova Securitasa prilikom pružanja usluga.

8.2. Uputstva Naručioća usluga. Securitas nije obavezan da poštuje bilo koja uputstva Naručioća usluga, osim onih propisanih Zakonom. Ako, u izvršavanju Usluga, Naručilac usluga daje instrukcije van opsega rada koje mijenjaju ili utiču na izvršenje usluga, Naručilac usluga je isključivo odgovoran za sve posljedice koje proizlaze iz takvih uputa i obeštetit će Securitas u slučaju da nastupi šteta.

8.3. Osoblje. Osoblje koje pruža usluge su zaposleni u Securitasu ili podugovarači koje je angažovao Securitas. Securitas će imati pravo da u bilo kom trenutku promjeni osoblje angažovano za realizaciju usluge. Naručilac usluga može tražiti izmjene u Securitasovom osoblju, ali Securitas će prema vlastitom nahodenju odrediti sve radnje koje će se poduzeti na osnovu takvog zahtjeva. Zahtjevi Naručioća usluga za promjenom osoblja moraju biti u pisanoj formi, navodeći razloge za traženje promjene.

8.4. Ovim Ugovorom se ne zasniva bilo koja vrsta zastupništva, partnerstva ili zajedničkog ulaganja, niti će ga bilo koja ugovorna strana tako tumačiti, odnosno koristiti.

8.5. Vlasništvo pod Sankcijama. Naručilac usluga izjavljuje i garantuje da nije lice koje je na listi, ili u vlasništvu (bilo direktno ili indirektno) ili pod kontrolom osobe navedene na Listi sankcija.

8.6. Sankcionisane aktivnosti. Naručilac usluga izjavljuje i garantuje da se, direktno ili indirektno, bez prethodnog odobrenja nadležnog organa (ako je to dozvoljeno) ne angažuje u aktivnostima koje su zabranjene Sankcijama.

## **OSIGURANJE**

### **Član 9.**

9.1. Securitas se obavezuje da obezbjedi sljedeće osiguranje:

1. Od opće odgovornosti (šteta prema trećim licima)
2. Osiguranje za štetu nastalu usled nedostatka u kvalitetu ili obimu pružene usluge od strane osiguranika (odgovornost za proizvod)

9.2. Securitas će, na pisani zahtjev Naručioca usluge, dostaviti potvrdu o osiguranju kojom se dokazuju gore navedene police.

## **PODUGOVARAČI**

### **Član 10.**

10.1. Securitas može angažovati podugovarača radi pružanja bilo kojih usluga, uz saglasnost Naručioca usluga.

Securitas odgovara za sve realizovane usluge od strane podugovarača u okviru člana 5. ovog Ugovora.

10.2. Naručilac usluga potpisivanjem ovog Ugovora daje saglasnost Securitasu da u realizaciji usluge definisane ovim ugovorom kao podugovarača može angažirati agencije u vlasničkoj strukturi Securitasa BH.

## **RASKID UGOVORA**

### **Član 11.**

11.1. Ugovorne strane saglasno utvrđuju da svaka strana može raskinuti ovaj Ugovor pisanom obavijesti koja se predaje direktno drugoj strani uz potpis ili upućuje preporučenim pismom, uz otkazni rok od 90 dana.

11.2. Zbog pogodnosti i opravdanog razloga svaka strana može raskinuti ovaj Ugovor deset (10) dana od dana dostavljanja obavijesti u pisanoj formi drugoj strani ako:

11.2.1. druga strana je počinila kršenje odredbi ugovora;

11.2.2. postoji promjena u primjenjivim zakonima ili propisima koji imaju materijalni uticaj na ili uzrokuju značajne promjene u obavezama Securitasa prema Ugovoru; ili

11.2.3. druga strana postaje nesolventna.

11.3. U vezi sa sankcijama. Ako je ili postaje nezakonito, ili suprotno bilo kojem zakonu, zakonodavstvu, izvršnom nalogu ili propisu u vezi sa sankcijama, za Securitas da izvrši bilo koju od svojih obaveza po ovom Ugovoru, ili ako je Naručilac usluga ili njegov direktni ili indirektni vlasnik dodan na Listu sankcija:

11.3.1 Securitas može, po svom apsolutnom nahođenju, odmah prestati sa izvršavanjem svojih obaveza po ovom Ugovoru i/ili raskinuti ovaj Ugovor;

11.3.2 Naručilac usluga je suglasan da Securitas neće biti odgovoran Naručiocu usluga za bilo kakav gubitak (uključujući bilo kakav posljedični gubitak), štetu ili odgodu uslijed čega Securitas prestaje da izvršava svoje obaveze i/ili raskida ovaj Ugovor u skladu sa članom 11.3.1 iznad.

11.4. Nemara Naručioca usluga. Ako nemarna djela ili propusti Naručioca usluga prouzrokuju štetu Securitasu, Securitas ima pravo raskinuti Ugovor s trenutnim učinkom i Naručilac usluga će obešteti Securitas od imovinske, lične i/ili ekonomske štete i gubitka prouzrokovanog takvom nepažnjom.

11.5. Ukoliko jedna od ugovornih strana, po ostavljenoj poštanskoj obavijesti, ne podigne preporučenu pošiljku s otkaznim pismom, tada se danom dostave otkaza smatra i dan kada joj je ostavljena poštanska obavijest o dospjeću preporučene pošiljke.

## **OPŠTE ODREDBE**

### **Član 12.**

12.1. Odvojivost: Ako se bilo koja odredba ovog Ugovora smatra neprovedivom, ona će biti izmijenjena tako da bude provediva u najvećoj mjeri dopuštenoj primjenjivim zakonom i svi ostali uslovi ostaju na snazi. Ako neizvršiva

odredba ne može biti izmijenjena, ona će biti isključena iz ovog Ugovora, a svi ostali uslovi ovog Ugovora ostaju na snazi.

12.2. Prenos prava i obaveza: Nijedna strana neće prenijeti na drugo pravno lice ovaj Ugovor bez pisane suglasnosti druge strane, koja neće biti neopravdano uskraćena. Međutim, Securitas može prenijeti ovaj Ugovor u bilo koje vrijeme bilo kojoj od svojih podružnica, subsidijara ili sljednika.

12.3. Komunikacija: Komunikacija između ugovornih strana po ovom Ugovoru se obavlja najprikladnijim sredstvima (preporučena pošta, kurirska služba, telefon /1303 ili telefoni kontakt osoba iz priloga A/, elektronska komunikacija /e-mail adrese kontakt osoba iz priloga A/).

12.4. Izmjene i dopune. Sve izmjene i dopune ovog Ugovora, ili bilo kojeg njegovog dijela, bit će obavezujuće za bilo koju stranu samo ako ih pismeno odobri ovlašteni predstavnik te strane.

12.5. Jezik: Osnovni jezik ovog Ugovora i buduće prepiske između Ugovornih strana biće bosanski ili srpski ili hrvatski. Sva korespondencija, obavještenja i druga komunikacija, svi nalozi, potraživanja, parnice i procesi biće pisani ili vođeni na bosanskom/srpskom/hrvatskom jeziku.

12.6. Po raskidu ovog Ugovora, Securitas će biti oslobođen svojih obaveza za obavljanje bilo kojih usluga kako je definisano u ovom Ugovoru i imat će pravo pristupa lokaciji na kojoj su usluge pružene kako bi preuzele svu opremu, materijale, softvera i/ili dokumenata koji pripadaju Securitas-u.

#### Član 13.

13.1. Naručilac usluga se obavezuje da će sve dodatne usluge obezbjeđenja izvan dogovorenog obima, vremena i lokacije iz ovog ugovora, naručiti kod Securitasa najmanje 24 sata prije početka izvođenja obezbjeđenja.

### ZAKONSKA I SUDSKA NADLEŽNOST

#### Član 14.

14.1. Ovaj Ugovor je sačinjen u skladu sa zakonima Bosne i Hercegovine (Federacije Bosne i Hercegovine, Republike Srpske i Distrikta Brčko).

14.2. Za sporove između Ugovornih strana vezano za postojanje, izradu i izvršenje ovog Ugovora ili bilo koji spor u vezi sa poslovnim odnosima Ugovornih strana, a koje Ugovorne strane ne mogu da riješe mirnim putem, biće nadležan sud u Sarajevu.

#### Član 15.

15.1. Ovaj ugovor je sačinjen u 3 (tri) jednaka primjerka od kojih Naručilac usluga zadržava 1 (jedan), a Securitas zadržava 2 (dva) primjerka ugovora.

Potpisano za i u ime:

NARUČILAC USLUGA

Muhamed Čović, direktor



Valdin Jažić, direktor